



## Universitätsbibliothek Paderborn

**Avla ... Thesavorvm Dei In Passione D. N. Iesv Christi  
Effusorum ad Resvrrectionem Mvltorum**

**Eyschen, Georg von**

**Coloniæ, 1656**

§. 15. Semper enim pauperes habebitis vobiscum. v. 7.

**urn:nbn:de:hbz:466:1-45533**

PASSIO D. N. SECUNDUM MARCUM

mulieri innocentis, humilianti se coram me & vobis, vel beneficiando mihi, vel paenitentiam agendo sibi, & satisfaciendo, vos qui omnes illas virtutes non solum imitari & sed laudare deberetis ex mea quidem doctrina & exemplo, desinite ergo eam molestare ultra.

**O**Mitissime Iesu quo hodie homines sunt Christiani, qui ad fores suas prætereuntem calumniantur! quo sunt qui bene agentes in Ecclesia calumniantur! plebs suos magistratus, & principes: unus ordo, alterum, unus Religiosus alterum mordet, filius filio inuidet, garrit, loquitur iniquitatem magis quam æquitatem, diligit verba præcipitationis lingua dolorosa! Utinam etiam esset qui eos moneret, tu tuum murmuratorem superiter monuisti: Da gratiam ut etiam sic cum proximo agam, si forte male agat, vel me offendat, omnem illi misericordiam impendam, ut conveni possit, non autem ut torqueatur & in animo suo odio inardescat.

§. 14. Bonum opus operata est in me. v. 6.

Dolebat discipulus adhuc de effuso illo pretioso in Christi caput balsamo magno pretio diuendendo, ideo Christus addit causam, ut illis & similium animos quieti reddat, dicens: Bonum opus operata est in me, non solum quod tam pretiosum vnguentum in mei gratiam fieri curarit, emerit, & effuderit tam largiter, & cum summo amoris affectu in caput meum sed etiam ideo quod non territa diris Iudeæ execrationibus, nihil mota & liorum discipulorum vel irrisionebus vel murmurationibus persistenter plena fide in me solum contenta quod boni consuleret ego ipsius ministerium mysterij plenum.

**E**ta fides & fide animata anima mea exurge: modo Deo placeas; chancetas modum non habet, largiter effundamus quidquid optimum habemus in Christum, non atrendendo quid expendamus. Sed cui & pro quo impendamus? ornata Ecclesiæ, allice per munera catechumenos, effundet saria & libellos oraturis. Cum hoc agis pretiosum effundis vnguentum quo vngi debet & vult Christus. Fides est non quæcumque sed per bona opera monstrata, qua vngitur Iesus, ex corde puro, sincero, permixta charitate, sic erit nardus spicatus pretiosus & pisticus quod ages, & fiet odor boni exempli in tota domo, quæ est ecclesia Christi. sic odorem dedit S. Benedictus, S. Bernardus S. Franciscus, Dominicus, Philippus Nerius, Ignatius, Clara, Theresia & innumerabiles in hac domo, qui hodieque perfecrat, contra factorem Martini Lutheri, Caluini & similium apostatarum.

§. 15. Semper enim pauperes habebitis vobis scum. v. 7.

Pauperes vel spiritu & animo, vel corpore & diuitijs, immo inopes &

C A P. X I V.

fidei, spe, & charitatis, claudos, cæcos, nudos, incaceratos, obsecros quibus circumeundo post resurrectionem meam & ascensionem potestis benefacere, sanando, docendo, prædicando, catechizando baptizando, liberando, cibando, potando, vestiendo, visitando, consolando, ut, fratribus eiusdem naturæ, & fidei consortibus, & illis ministrandi occasio nunquam vobis deerit, mihi autem non semper poteritis corporale ministerium exhibere, non enim semper habebitis me in ista forma visibili. Nolite igitur indignari, quod mulier hæc dum corpore præsens sum corporale mihi exhibuit ministerium: veniet hora qua & vos similia facere optabitis sed non poteritis: Illis autem cum volueritis potestis bene facere semper, die ac nocte. Hoc tamen verbum tuum Domine, irritum voluerunt facere quidam qui à te & discipulis tuis abierunt: Andreas Carolstadius, & similes ei, qui inter Christianos nullum voluerunt esse paupertinum, sed de alieno materiali supio ditare, ideo cito exciderunt isti falsi Apostoli.

O Iesu amabilissime, quis te pauperior? & inuidetur tamen tibi à tuis met discipulis, eleemosyna! adeo namque pauper effectus es, nostræ que miseriæ adeo gustasti amaritudinem, ut ipso natiuitatis tuæ tempore nec siccum haberet ex hereditate, nec ubi tenera & infantilia membra tua reponi & hospitio recipi potuissent, cum sis cœli terræque Dominus, hinc alieno in stabulo natus es & tenerrima membra tua in prælepe rigidum, vilesque panniculos quos sibi piissima Virgo detraxerat, collocari permisisti, & hunc ipsum indignum locum benedicta & vere piissima mater tua à bestijs irrationabilibus mutuata est: sicut nec modo in domo propria sed aliena, nec de penu proprio, cibo aut potu reficeris aut tractaris, sed ut pauperissimus & abiectissimus mundi hospitio exciperis. & inuidetur tamen adhuc tibi!

O Bone Iesu, cuius non Religiosi emolliatur cor? non accendatur ad amorem paupertatis si ista videat & audiat, quis non moueatur ad compassionem, quando maximam paupertatem, admirabilem humilitatem & feruentissimum ergo nos attendimus amorem? nescio si homo est, qui hisce non commouetur.

S. 16. Illis autem, cum volueritis, potestis benefacere. v. 7.

Docemur hoc verbo, consilij esse; Benefacere pauperibus, ait enim, cum volueritis, potestis, optandum est autem ut id velimus semper quamdiu occasionem habemus, non enim semper id poterimus. Hinc Salomon: Non cesset manus tua: imo quodcumque potest manus tua incessanter operare: & ob id forte geminas homini manus natura tribuit, geminas aures, geminos